

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Bifolium Metallicum

Gassmann, Franz

Noribergae, 1676

VD17 VD17 39:117960F

Epilogus

[urn:nbn:de:bsz:31-99962](https://nbn-resolving.org/urn:nbn:de:bsz:31-99962)

sa sunt, ex saturatorum genere, quæ proinde, indeperditis viribus, coctiones omnes trans-eunt & obstructions viscerum aperiunt; quædam etiam utrumq; præstant. Purgans verò nullum hoc Pharmacopolium Philosophicum dispensat, præter unicum Mercurium Corallatum genuinum Paracelsi. Cætera omnia per transpirationem, urinam vel sudorem opitulantur; quod unusquisq; Galenicæ Medicinæ pertæsus, apud suum Medicum Chymiâ insignitum, prius expiscari potest, antequam se suosque periculose prostituat & Medicos ordinarios Dogmaticos contemnat.

Epilogus.

Magna parvis includere, delitiosum magis quam tædiosum. In Præcedentibus paucis pagellis, stylo currenti signatis, delineata & exstructa vidisti, judiciose Lector, duo pulcherrima totius mundi Palatia: Unum Hyemale; alterum Æstivale, utrumq; muro triplici circumdatum & Ponte sublicio firmatum, ne pecudes campi casualiter hanc hominibus solis consecratam habitationem intrent ac defœdent; quia verò Dominus sive Patronus eorum, sapientiores tantum ex hominibus, pro inquilinis elegit; proinde cuique Arci suum Portenarium præfixit, qui advenas hospites, unde veniant & quid sciant, rigore examinet. Hoc officium janitorium est

est valdè moleſtum , ob multitudinem & importunitatem intrare volentium ; quamvis enim ex mille vix unus examen ſuſtineat & intromittatur , cæteri tamen rejeſti die nocteq; tumultuantur , omnemq; ſomnum impediunt : Multi enim precario, multi clanculum , plures armatâ manû Portam frangere & intrare cupiunt ; ſed quia hi cuſtodes multiplici armorum genere ſunt muniti , omnes tandem nil niſi plagas & inſanabilia vulnera, ex iſtâ infulſâ & illegitimâ luſtâ lucrantur. Proinde ſtutius longè eſt , cum amico amicabilem procedere & rem togâ acquirendam ſago non expetere. Quia verò amica informatio iſtud ſolenne Examen valdè facilitare poteſt ; propterea omnibus & ſingulis peregrinantibus hujus Examinis ſumma capita prodam , ut ſe in itinere præmunire , & quid reſpondendum ſit , queant præconſcipere. Conſiſtit autem prædictum Examen in tribus quæſtionibus. 1. eſt, quales ſint hoſpites ? 2. quid ſentiant de illis Palatiis ? & 3. quibus artibus ibi vivere intendant? Quoad primam quæſtionem, quiſq; ſemetipſum commendet ; quoad ſecundam, quæ omnium intricatiſſima, ſpinola & ambigua eſt, propiorum doctrinam ſuppeditabimus. Involvit autem iſta quæſtio aliam, nimirum, ex quâ materiâ remotâ & proximâ hæc duo fortalitia ſint ædificata : Ubi ſciendum eſt quòd Hymale non conſtet, ex ſilice , calce vivâ, lateribus,

ribus, terrâ pingui virgineâ (quàm stulti unum vel alterum pedem subtus Horizontem effodiunt) neq; ex pyrite, lapide calaminari, armeno, lazureo, amiantho, antimonio, arsenico, argento vivo, borrace, cerussâ, cinabari nativo, magnesiâ, marcasitâ, minio, ammoniaco sulphure, talco, vitriolo, hæmatite, cobalto, cretâ smiride, vel etiam pingui illâ venenata materiâ, quæ se in cuniculis subterraneis agglutinat & à metallurgis *Gur* vocatur, neq; ullo alio metallo, excepto Solis coagulo, sed ex merâ aquâ hylegiali crystallinâ & terrâ virgineâ falsâ, tanquam subiecto remoto & proximo. Verùm quia Janitores hi sunt astuti & nil credunt, nisi quod vident, propterea opus est, ut hujus falis partem aliquam in medium producas, per falia enim est introitus, propriè & impropiè sic dicta. *Æstivale* verò constat, quoad materiam remotam, ex 5. lapidibus, quoad proximam, ex purissimâ, niveâ, aquâ igneâ, inde expressâ. Possibile quidem esset, similem arcem ex aliis etiam lapidibus & terris construere, sed quia nimis duri, ligoni & torno non obediunt, multumque temporis exigunt; melius est in illis acquiescere. Quod enim potest fieri per pauca, non debet tentari per plura. Reji-ciuntur ergò cum prioribus enumeratis subiectis omnia metalla, exceptis duobus, igneo & aqueo. Sed quia Portitori etiam hæc generalis responsio non sufficit, ostendas ipsi
 illa

illa tria requisita extrà-Essentialia, quæ tanquam medium requiruntur, & statim quæstio hæc erit soluta, ac Tu non pro hospite, sed Amico intimo susceptus. Ratione tertiæ quæstionis, multa de novo inculcare superfedeo, quia adeò difficilis non est & præterea Portenarius ipse, ex amicitia contractâ, suppetias debitas tibi non denegabit. Intra bis ergò, paulò post, per varios porticus ac pavimenta, auro gemmisq; relucencia, & in superiori contignatione, super portâ interiori, sub pinnaculo, in splendidâ turriculâ conspicias Democritum flentem ac ridentem. Cubicula verò cætera magna sunt & Persico luxu repleta. Mane vel in æstivali vel hyemali, vel in utroq; suo anni tempore, perinde est, non deerit tibi quicquam temporale; vide autem, ut æternam quoq; beatitudinem cum hac conjungas. Interea frui desideratâ felicitate, maximâ & ingenuè confiteare, annon, favore & informatione nostrâ, ex infinitis miseriis relaxatus, gratias immortales nobis debeas.

Vale.

